

Broj protokola 01-4-1/26
Datum protokola 12.05.2026. godine

Na osnovu Zakona o privrednim društvima („Službene novine Federacije BiH“, broj 81/15 i 75/21), Zakona o tržištu vrijednosnih papira („Službene novine Federacije BiH“, broj: 85/08, 109/12, 86/15 i 25/17), Pravilnika o emisiji vrijednosnih papira („Službene novine Federacije BiH“, broj: 18/09, 87/10, 112/12 i 103/14) i Pravilnika o načinu upisa i vođenja registra emitentata vrijednosnih papira kod Komisije za vrijednosne papire Federacije BiH („Službene novine Federacije BiH“, broj: 49/99, 4/05, 18/08 i 8/09), Skupština Mikrokreditnog društva "PARTNER" društvo sa ograničenom odgovornošću Tuzla, na sjednici održanoj 12.05.2026. godine, donosi

ODLUKU
o drugoj emisiji zelenih obveznica javnom ponudom
putem Sarajevske berze-burze vrijednosnih papira

I

- **Puni naziv Emitenta:** Mikrokreditno društvo "PARTNER" društvo sa ograničenom odgovornošću Tuzla (u daljem tekstu: Emitent ili Društvo)
- **Adresa:** Ul. 15. maja bb, Tuzla
- **Naziv organa koji je donio odluku o drugoj emisiji zelenih obveznica javnom ponudom putem Sarajevske berze-burze vrijednosnih papira:** Skupština Društva
- **Datum usvajanja odluke o emisiji:** 12.05.2026. godine
- **Ciljevi investiranja, način korištenja sredstava koja će se pribaviti emisijom obveznica i očekivani efekti investiranja:**
 - Primarni cilj druge emisije zelenih obveznica je smanjenje emisije CO₂ i/ili ušteda potrošnje energije, tako što će se sva prikupljena sredstva usmjeriti na odobravanje mikrokredita namijenjenih za finansiranje mjera kojima se postiže ušteda primarne energije i/ili smanjenje emisije CO₂. Ciljevi i očekivani efekti druge emisije zelenih obveznica će biti detaljno predstavljani u Prospektu druge emisije zelenih obveznica.
- **Vrsta emisije:** Primarna emisija javnom ponudom
- **Redni broj emisije, oznaka vrste i klase vrijednosnog papira:** Druga emisija dugoročnih obveznica koje glase na ime.
- **Broj obveznica:** 5.000
- **Nominalna vrijednost po obveznici:** 1.000,00 KM
- **Ukupna vrijednost emisije:** 5.000.000,00 KM
- **Dospijeće, visina kamate, način i rokovi isplate glavnice i kamate:** Dospijeće emisije je 4 (četiri) godine, a računa se od dana donošenja rješenja o uspješnosti emisije od strane Komisije za vrijednosne papire FBiH. Kamatna stopa je fiksna i iznosi 5% na godišnjem nivou, a računa se na iznos glavnice uz primjenu linearnog modela obračuna kamate. Pripadajući dio kamate će se isplaćivati godišnje, najkasnije u roku od 10 (deset) dana od isteka godine. Ukoliko je dan isplate kamate ili glavnice neradni dan, isplata će se vršiti prvog narednog radnog dana. Radni dan je dan koji je utvrđen kao radni dan Registra vrijednosnih papira Federacije BiH, te poslovnih banaka koje obavljaju poslove platnog prometa u Federaciji BiH. Glavnica se isplaćuje jednokratno, po dospelju, a najdalje u roku od 10 (deset) dana od dana dospelja.
- **Ukupan broj i vrijednost do sada emitovanih obveznica:** Društvo dužničke vrijednosne papire (obveznice) emituje drugi put. U okviru prve emisije zelenih obveznica emitovane su obveznice u vrijednosti 1.500.000 KM.
- **Iznos registrovanog osnovnog kapitala:** 31.533.782,46 KM. Osnovni kapital uplaćen je u novcu (10.000.000,00 KM), pravima (19.599.620,46 KM) i stvarima (1.934.162,00 KM).
- **Prava i ograničenja prava sadržanih u obveznici:** pravo na povrat glavnice i pravo na naplatu pripadajuće kamate.

- **Pravo preče kupovine** je isključeno.
- **Prodajna cijena ili način njenog utvrđivanja i opis načina rasporeda vrijednosnih papira ako ih bude upisano više od količine koja se emituje:**

Emisija će se vršiti putem Sarajevske berze-burze vrijednosnih papira d.d. Sarajevo (u daljem tekstu: Berza), metodom preovlađujuće cijene, a u skladu sa Pravilnikom o javnim ponudama putem Berze. Društvo će prodavati obveznice po nominalnoj vrijednosti. Prodajna cijena obveznice je 1.000,00 KM po obveznici, a cijena po kojoj kupci upisuju i uplaćuju obveznice će se formirati na Berzi, ali ne niže od nominalne vrijednosti, odnosno cijene utvrđene Odlukom i Prospektom druge emisije obveznica javnom ponudom (u daljem tekstu: Prospekt). Profesionalni posrednik Društva unosi nalog za prodaju obveznica u količini od 5.000 komada, po cijeni 1.000,00 KM po obveznici.

Ako bude upisan veći broj obveznica nego što je sadržano u Odluci, uplata se vrši do broja obveznica predviđenog Odlukom i Prospektom.

Profesionalni posrednici kupaca mogu unositi naloge za kupovinu obveznica po cijeni koja je jednaka ili veća od prodajne cijene. Cijenu obveznica u emisiji utvrđuje Berza po završenom upisu, a na osnovu preovlađujuće cijene.
- **Vrijeme početka i završetka upisa i uplate:** Upis traje od 14.09.2026. do 30.10.2026. godine.
- **Popis mjesta za upis i uplatu:** Upis i uplata će se vršiti kod profesionalnih posrednika davanjem naloga za kupovinu obveznica. Pod izvršenim upisom smatra se unošenje naloga u berzanski sistem trgovanja, ukoliko sistem primi takav nalog.

Berza nakon završetka upisa dostavlja izvještaj o zaključenim transakcijama svim profesionalnim posrednicima, koji su učestvovali u zaključivanju transakcija i njihovim bankama depozitarima.
- **Kriterij uspješnosti emisije:** Emisija će se smatrati uspješnom ukoliko se u predviđenim rokovima upiše i uplati najmanje 60% ukupnog broja ponuđenih obveznica.
- **Naznaka o zadržanom pravu emitenta na odustajanje od javne ponude vrijednosnih papira prije isteka roka utvrđenog za njihov upis i uplatu, uz naznaku razloga zbog kojih se može odustati:** Emitent zadržava pravo na odustajanje od javne ponude vrijednosnih papira prije isteka utvrđenog roka za njihov upis i uplatu u slučaju da Uprava Emitenta procijeni da tržišni, regulatorni ili interni uslovi nisu pogodni za realizaciju emisije u predviđenom roku i obimu.
- **Ime, prezime i funkcija ovlaštenih lica emitenta za provođenje emisije obveznica:** Edisa Sijerčić, direktor Društva.

II

Društvo procjenjuje da će efekti investiranja i redovni poslovni prihodi Društva biti dovoljni za nesmetano finansiranje obaveza, te da ova emisija ni u kojem slučaju neće ugroziti finansijski položaj Društva.

Prospekt i izvještaji o poslovanju Društva bit će javno objavljeni kako bi investitori stekli kvalitetan sud prilikom donošenja odluke o investiranju.

Svaki investitor koji razmatra kupovinu obveznica upućuje se na vlastitu procjenu finansijskog položaja Društva.

III

Društvo emituje obveznice koje ne sadrže pravo na konverziju u druge vrijednosne papire.

Vlasnik obveznica nema pravo tražiti njihovo prijevremeno dospijee, osim u zakonom propisanim slučajevima.

Društvo može bez saglasnosti vlasnika obveznica emitovati druge vrijednosne papire.

IV

Obveznice glase na ime, neosigurane su i slobodno prenosive.

V

Svi elementi emisije definisani su u Prospektu Društva koji je sastavni dio ove Odluke.

VI

Emisija obveznica će se vršiti bez posredovanja agenta emisije.

Ovom odlukom ovlašćuje se direktor Društva za izbor Banke depozitara.

Ovom odlukom ovlašćuje se direktor Društva za izbor validatora druge emisije zelenih obveznica. Zadaci validatora će biti detaljno opisani u Prospektu.

VII


Za provođenje ove Odluke nadležan je direktor Društva Edisa Sijerčić.

Nadzorni odbor Društva je ovlašten za sve eventualne potrebne izmjene i dopune ove Odluke i Prospekta, a koje ne utiču na bitne elemente iz istih.

VIII

Odluka stupa na snagu danom donošenja.

Za Skupštinu Društva



Meliha Rizvić, punomoćnik

